



IZIQU : BACHELOR OF EDUCATION
ISIFUNDO : (METH&PRAC: FET&SEN PHASE ISIZULU 3A
IKHODI : MFSPZA3
USUKU : UKUHLOLA KOKUGCINA KUNHLANGULANA 2019
ISIKHATHI : AMAHORA AMA-2
AMAMAKI : 100

UMHLOLI : NKK NL SIBIYA
UMCUBUNGULI : DKT IK MNDawe
AMAKHASI : 4

IMIYALELO KWABAHLOLWAYO:

1. PHENDULA YONKE IMIBUZO EKULELI PHEPHA
 2. PHENDULA IMIBUZO NGESIZULU.
 3. LELI PHEPHA LIZOHLALA LINGELENYUVESI YASE-JOHANNESBURG.
-

UMBUZO1

- 1.1 Chaza kafuphi ukuthi ngabe siyini IsiTatimende seNqubomgomo yoHlelo lweziFundo nokuHlola (CAPS). (3)
- 1.2 Kukhona okufanayo nge-CAPS ne-NCS. Kungani pho kwethulwe i-CAPS kanti iyafana ne-NCS? Chaza. (4)
- 1.3 Chaza inhloso ye-CAPS? Bhala kube kuthathu. (3)
- 1.4 Iyiphi indlela ongathanda ukuyisebenzisa ezindleleni zokufundisa ulimi? Chaza ukuthi kungani ukhetha yona usho nokuthi izobasiza kanjani abafundi bakho. (10)
- 1.5 Isikhathi esabelwe uLimi LwaseKhaya sehluke kangani kunaleso esabelwe uLimi lokuQala lokwEngeza ngesonto? Ngabe yini isizathu sokuba nesikhathi esingefani kulawa mazinga olimi? (5)
- [25]**

UMBUZO 2

- 2.1 Yithi fahlafahla ngamazinga **ayisi-5** esizindeneni sokuqonda ngokuka-Bloom. (10)
- 2.2 Fundisisa isiqeshana esingezansi usisebenzise njengesifundo sokuqondisisa ubuze imibuzo **emithathu** kula mazinga ka-Bloom:
- a) Ulwazi
 - b) Ukuqondisisa
 - c) Ukuhlola
- (15)

Kuthe ngenkathi sivela esikhumulweni sezindiza eThekwini ngahlangabezana nesimo esihle ngendlela emangalisayo. Ilanga libonakala emafini, izindlu ezimibalabala kwabe sengathi ziyasamukela. Leya mizana eyayithe sabalala yonke indawo, amadlelo aluhlaza agcwele imfuyo lapho kwakuyindawo enhle ngenye indlela. Ngajatshuliswa kakhulu nawukubona izingane zidlala eceleni kwezindlu, zishayela izimoto zazo zocingo, abanye bedlala ngonodoli. Abantu bemamatheka, bebingelelana, bememezana. Vakasha lapha ubone ubuhle bemvelo.

[25]

UMBUZO 3

Funda izimo ezingezansi bese uphendula imibuzo elandelayo.

Isimo 1

UNkz. Nhlapo ungena egumbini lokufundela, abingelele abafundi bese ebanikeza amakhophi enkondlo. Ufunda inkondlo, achaze amagama alukhuni nemigqa. Unikeza abafundi imibuzo eyi-10 ukuba bayiphendule. UNkz. Nhlapo uqoqa umsebenzi ekupheleni kwesifundo, awumake; abuyisele izincwadi kubaninizo ngesifundo esilandelayo.

/3.....

Isimo 2

UMnu. Sibiya yena ungena egumbini lokufundela, abingelele abafundi bese ebahlukanisa ngamaqembu. Ubanikeza inkondlo engenaso isihloko, acele iqembu ngalinye ukuba lifunde inkondlo lize liyikeze isihloko esifanele. Unikeza abafundi umlando ngemvelaphi yembongi nenkondlo, abanikeze nesihloko. Ufunda inkondlo ngezwi elifanele. Amaqembu azenzela imibuzo eveza indikimba yenkondlo. Umsebenzi wasekhaya, abafundi banikezwa umsebenzi wokubhala inkondlo enendikimba efanayo nale abayifundile.

3.1 Yisiphi isimo ongasilandela uma kungafanela ufundise inkondlo? Kungani? (10)

3.2 Yikuphi wena ongakwenza ukuze abafundi bakho bakuthakasela ukufundwa kwenkondlo eklasini lakho? (7)

3.3 Nikeza izindlela ezine zokufundisa ulimi zichaze kafuphi. (8)

[25]

UMBUZO 4

Funda inkondlo esekhasini lokugcina bese uphendula le mibuzo elandelayo.

4.1 Yini okuqondayo ngegama elithi: ubunkondlo? (2)

4.2 Yini umehluko phakathi kwenkondlo nobunkondlo? (4)

4.3 Nikeza izindlela ezinhlanu ongavusa ngazo ugqozi kubafundi ngokufundisa le nkondlo ngendlela ethathekisayo. (5)

4.4 Bhala ngamafuphi izigaba 1-5 zenqubo yokufundisa inkondlo ngokuka-Combrink. (10)

4.5 Nikeza okune ongakugcizelela uma abafundi behluza le nkondlo. (4)

[25]

IMVUBELO

L.F. MATHENJWA

Baqhub' imbuzi bayadidizela bediyazela,
Umpongo lwezwi luyampompoloza lumpongoloza.
Kuqhuma esiletha umunyu isililo,
Kuqhuma nhlamba kuqhume nduku,
Kuqhume isililo kuqhume uhleko,
Bancinde encumbeni yegwebu lakho.

Abakuzuzile bacokeme kwantengezelayo amagatsha,
Bakudembesele bakweya wabadakisa badakwa,
Zembuleka gembelekeqe izimfihlo namaqiniso.
Namhlanje mvubelo yolwazi badakwe umbuso,
Kuqhuma uhleko sebeshwashwada beshweshweza,
Kuqhuma isililo kwabakukhafula besab' ukudakwa.

Imiqondo uyivubele wayidunga yadideka,
Iphambili labadida badumala badangala,
Aluhlaza amadlelo waweneka abadoba,
Ukudikibala bakudumaza badumba impumelelo,
Imiqondo ngolwazi uyidakise yaqonda,
Iqonda amaqiniso nezimfihlo okwembulile.

Abakukhuthalele bekuthatha mawala uyabakhinyabeza,
Abagcina isiko lakho lenhlonipho uyabahlonipha.
Umcinyan' uyisichitshana imisebenzi yakho ingangezintaba,
Ibanzi, yenebe yasabalala ngangezilwandle.
Abakuhabulile bayahhema behubhuza amaqiniso,
Amaqiniso avumbulula izimfihlo zomnotho wesizwe.

Esakho isivande siqhakaz' intshakaz' eyimbali,
Imbal' eyingwebu edung' imqondo yeningi.
Amagagasi olwandle lwakho awukufa nokuphila,
Abakhile ngomcakulo kwezakho bamaqembumabili,
Baqembuke baqom' intombi uNompumelelo,
Baqembuka baqom' intombi uNokuhlupheka.

Niyadela ngebinzana elizala izindimbane,
Maye ngethonsana elibhubhisa izinqwabanqwaba,
Umthanyana wenelisa izigidigidi ezomileyo,
Ibinzana lilambisa izinqwabanqwaba ezisuthayo,
Bakhala ezimathonsi ngamaconsana,
Kuvela elomhlathi ngesinkwa semihla.

IMIKLOMELO ISIYONKE: [100]